

استدینا

نومرو ۲۰

پنجشنبه

۲۸ کانون ثانی ۱۳۲۴

بو عالی جمعیتلره تودیع اولنور.

قانون جزای عثمانینک بو جهته متفرع اولان احکامی ، نه قدر تعدیلات اجرا اولسه بیسله باقی ولایتیقلر قالدیجقنده شهبه اولمدیغندن فقرا جمعیتلرجه ایلروده بوکا دایر بر خطرله حاضرملق لازمکه چکنی اونوتماق ایجاب ایدیور . ملل متمدنه ساروده مجرم اولان صیدان بر طرفدن شفقت هیئتلرینه ، عالیه لره تودیع اولنور. دیگر طرفدن نابالغ مرهقلره دارالتربیه écoles penitantiaries لره کوندریلیر. تعدیلات قانونیه اجرا اولندیغی صروده بو اصولک بزجه شایان قبول اوله جقنده امیدوارم.

بنابرین فقرا چوجقلری حمایه سنه آلان بوهیت محترمه دن نیاز واسترحام بودرکه جمعیتک تشکیلات ونظامات داخلیه سنک تنظیمی صروده بو جهتی کمال اهمیتله تدقیق و مناقشه بیورسونلر.

مدحت

معاهداتمز

۱۵

فرانسه قایتولاسیونلری

۱۱

یدنجی ۱۱۵۳ قایتولاسیونی حقنده مطالعات عمومی

«۱-تشاره» نك ۱۱ تشرین اول ۳۲۴ تاریخنه مصادفاً نشر اولنان ۶ نومرولی

نسخه سنده فرانسه یه ویرمش اولدیغمز قایتولاسیونلردن یدنجیسنک (۱۱۵۳-۱۷۴۰) نه کی احوال واسباب تحتده اعطا اولندیغی بجملاً بیان ایدلشیدی. ۱۱۵۳ قایتولاسیونلری اولکیلری تتم و توسیع ایش و فرانسه ایله تجارت و کمرک خصوصاً سندن ماعدا مناسباً تمیزی اداره ایلمکده بولنش اولدیغی جهته اهمیت عظیمه سنه بناءً شونک حقنده بعض مطالعات عمومی تمهیدی فائده دن خالی

کورلیدی . مطالعات آیه ، فرانسه قاپتولاسیونلری وبالخاصه صوك طقوز مقاله مزه موضوع مستقل اولان ۱۷۴۰ قاپتولاسیونی حقننده کی تدقیقات ذاتیه مزه لاحقہ اولمق اوزره رجال سیاسیه دن برذاتک اثرندن التقاط اولمشدر .

اول امرده موضوع بختمز بولسان معاهده نك نه سبب و صورتله تنظیم و امضا اولندیغنی علی التفصیل سویلیلم .

اون دردنجی لوی دورنده انقلاب کیرک تخمیری اتلمش ، یعنی اسرافات کلیه ایله مساوی اداره یوز کوسترمش ، اسپانیا و راتی مسأله سندن حادث اولان محاربه کبی محاربات عظیمه وقوعه کلش ایدی . بونکله برابر « بیوک قرال » ک سلطنت مدیده سی فرانسه تجارتیه غیرمساعدا اوله رق کچما مشیدی . مشهور قاردینال « مازارن » طرفندن یتشدیریلان و مالیه نظارتیه تعیین اولتان « قولبر » ک امور اقتصادیه ده کی وقوف و تجربه سی ثمره دار اولمشیدی .

اون بشنجی لوی جلوس ایتدیکی زمان فرانسه نك شرقه اخراجاتی متراید بولنیوردی . اوزمانک قیود رسمیه سنه نظرأ ۱۶۸۲ سنه سنده اخراجات مذکوره نك قیمتی الی یوز بیک غروشی متجاوز دکلکن ۱۶۸۵ سنه سنده اشبو قیمت درت میلیون راده سنه وارمش ، اوتوز بشیل صوکره یعنی ۱۷۶۰ ده ایسه — فرانسه ایلمچیسی مارکی دوبوناق طرفندن تخمین ایدلدیکنه کوره — اون ایکی میلیون چیقمش ایدی . بالاخره حکومتک اوغرا دینی مشکلات مالیه و « جون لوو » اصولنک سیثاتی فرانسه نك شو ترقی تجاریسی سکتهدار ایلمشیدی . « جون لوو » اسقوچیه لی برقراربازدی . اوروپاده خیلی زمان طولاشوب قارده ایچه ثروت ایدندکدن صوکره فرانسه یه کله رک یرلشمش وقائم ایله ایش کورمک اوزره آحق ایستدیکی و دیگر حکومتلردن رخصتی اله مدینی بائقینه فرانسه دولتنک مشاعده . سیله تأسیس ایدرک و برمدت صوکره بومؤسسه یی حکومت بائقیه سی اعلان ایتدیرمکه موفق اوله رق نهایته الامر فرانسه یی عظیم بربحران مالی ایچنده براقوب صاوشمش در . بوباقه معاملاتنی تحویلات نقدیه ایله اجرا ایده جک اولدیغندن قواننک تداول ایده ییلمه سی ضماننده معمول و مسکوک کوشک تداولی الغا اولنه رق مسکوکات

اداره سنه ارسالی ایجاب ایتشیدی. مارسلیا تجارت اولرینک اکثریسی الارنده کی
نقود ایله کلیتی متاع اشترا ایدرک شرقه سوق ایتدیلر. ارسالاتک کثرتی امتعه نك
تراکفی و تنزل قیمتنی انتاج ایلمدیکندن قلم اعظمی یاصایله ممدی یاخود آشاغی
بدل ایله فروخت اولنه بیلدی. فرانسرل نفیس چوقه اعمالنده انکاتره وهولانده
لیلری کچوب فرانسر چوقه لرینک نفاستجه انکایز و قلعنک معمولات نمائله سنه تفوقی
بورالرده ترجیحی موجب اواش ایهده فرانسر چوقه لرینک فیآتی بوکسک اولدینی
ایچون یالکز اغنیاجه انه بیلدیکندن استانبولده سکز یوز بالیه وازه میرده ده ازیاده قاش
صایله میهرق ییغیلوب قالمشدر، شوحاله چاره ساز اولمق و احتیاجات جدیدیه
موافق بولمق اوزره قایتولاسیونلرک بردفمه ده ایتجیدینی فرانسرلر دوشو -
نمشلردر، اوزمانکی قایتولاسیونلر عصرک احتیاجاتی ایله متناسب دکلدی .
صوکنجیسینک تاریخی ۱۶۷۳ (هجری ۱۰۸۴) ایدی . حال بوکه اووقتدن برو
صناعت و تجارت حس اولنور درجده ترقی ایتشیدی . یکیدن یکیه آچیلان
طریقلر صنایع و تجارت اهمیت ویرمکه برابر مشکلات دخی ایراث ایدیوردی .
بواسبابدن طولانی فرانسه ایلچیسکی مارکی دوه ویلنوو « تجدید عهدده مأمور
ایدلدی بدایت مأموریتده تأمین موفقیت ایچون پک زیاده جهد واقدامه مجبور
اولدی چونکه حکومت عثمانیه بر فرانسر قونسولوسی حبس ایتمش ، بوندن
بشقه فرانسه یه ویریلان عهدنامه لر شرط مقابله ایله اولیوب فرانسه جه فوآد
عظیمیه بدل بزجه ضرری مستلزم اولدیقنک فرق و وارمش ایدی . مع ذلك
اون دردنجی لونی دورنده فرانسه نك اقطاع شرقیه ده کی صیت و شهرتی اون بشنجی
لونی نك اثنای سلطنتنده برکال اولمسندن مارکی دوو ویلنوو استفاده ایدرک
مذاکرانه باشلانندی . فقط اوصرهده داماد ابراهیم پاشایله اقارب و طرفدارانک
استیصالی و احمد ثالث خلعتی انتاج ایدن باطرونه خلیل وقعه سی متعاقباً ایران
وروسیه و آوستریا محارباتی سببیلرله مذاکره تعطیل اولندی . حکومت عثمانیه
اوروپاده موسقوفلر ونمسه لیلر ایله اوغراشدینی هنکامده فرانسه ایلچیسکی
« ویلنوو » منافع عثمانیه یی التزام ایدرک بیاغی مستشار دولت اولمش، نصایحندن

استفاده ایدمش و نهایت ۱۱۵۲ تاریخی بلغراد معاهده مشهوره سنك اوراده مذاکره سنده بولنهرق عقدینه وساطت و همت ایدمشدر . « اوستریا حکومتی بلغرادی تسلیم وصاوا و طونه نهرلرینك صاغ جهتنده پسارو فیه معاهده سیله قزان دینی رلری واورسوه اراضیسنی وافلاق چاساری Valachie autrichienne تعمیر اولنسان قطعہ یی - که (اولت aluta) ایرناغیله افلاق حدود قدیمه سی اره سنده کی قطعہ غریبه در وافلاق صغیر نامیله ده معروفدر و پسارو فیه معاهده سیله اوستریا به ترك اولنمش ایدی - دولت علیه به اعاده ایتمکی قبول ایتمش و حکومت سنیله دخی پانچوه و بانات اقلیمندن لاجل الغارہ الہکچر دیکي مواضی کیرو و یرمکه راضی اولمش ایدی و مدت صلح یکرمی یدی سنه ایدی ،

« بر قاج کون صوکره روسیه نك مرخص رسمیه سی دخی اردوی همپونه وارد اولوب آراق قلعه سی هدم و اراضی جواریه سی دولتین بیننده حد فاصل اعتبار اولنلق و قبار طایر بروجه سابق مستقل قالمق و روسیه لولرک آراق دکرزنده جنك سفینه سی انشا ایتمک شرائطی و حدود قدیمه اعتباری ایله انکله دخی تنظیم مصالحه اولندی .

« اشبو بلغراد معاهده سی عصر محمود خاقانی بی تزیین ایدن و قائمندن اولوب اوستریا دولتیجه حکمی برنجی پترو نك پروتده عقد و قبوله مجبور اولدینی معاهده تذلیله حکمنه معادلدر و نتیجه حدودینی یوزاللی سنه دن بزو پایدار اولان حدود طبیعی و جه ایله قطع ایتمشدر . »

اشته دولت عثمانیه ایچون پك منفعتلی و شرفلی بر معاهده عقدی خصوصنده کی توسط و سعیندن و موفقیتندن طولانی کسب ایلدیکي نفوذ و اعتباردن مارکی دوو یلنو بالاستفاده ۱۷۴۰ قایتولاسیوننك ۴۲ ماده جدیده علاوه سیله عقدینی استحصال ایلمشدر .

آرتق بر معاهده شکلی مکتسب و ابدی الاحکام اولان بوصوک قایتولاسیون اوزرینه فرانسه حکومتی مملکت مزده اوروپا عیسویلرینك حامی سی اولدی . شرق اسکله لرینه تعیین اولنمان قونسولسلر یالکز فرانسه لرک دکل آروجه

مأمورین شهبندریسی اولیان دولت در تبعه سنک معاملات و منافع تجاریه سنه نکه بان
اولیایر. مارکی دوویلنووک تشبثاتیه وجود بولان مواد مهمه نك باشلوجهلری
فرانسزلره برأجراً طونه بحرسياه تجارتی کشاد ایدن ۵۹ نجی ؛ تجارت
دلارینک (صمصار) حال و موقعی تنظیم و سرستجه انتخاب اولنه جقلری
بیان ایدن ۶۰ نجی ؛ ایاجی و قواسلوسلرینه خبرویرلمکسزین ضابطه مأمورلرینک
فرانسزلرک مسکنلرینه دخوللرینی منع ایدن ۷۰ نجی و فرانسه لولره اک زیاده
نائل مساعده ملت معامله سی بخش ایدن ۷۳ نجی ماده لر در .

بومعااهده فرانسه تجارتیه انبساط و یردی . مارسلیا تجارت اوطه سی معناد اولان
امتنه نك ارسالاتیه اکتفا ایتیوب لیونك ایپکلی قاشلریله مواد مذهبییه اخراجانه
باشلایوب بولره فیائنک یوکسک اولمسلیله برابر آلیجیلر بولدی . برمدت
صوکرده فرانسه نك آمریکا مستعمراتنه یتیشن قهوهدن اخراجات یادی
وقهوه مملکت مزده برمشروب ملی اولدی . هر نقدر بوجنس قهوهدن قهوهدن
اشاغی ایسه ده اکا نسبتله اوجوز اولدیغندن مستهلکچر چوغالدجه چوغالوب
فرانسز مستملکاتی قهوهدن ترکیا مهم برخرج اولدی . فرانسه اطهلرنده
اعمال اولنان شکر دخی شرق پیاسهلرینه دوکولوب اندن دون جنسده اولان
مصر شکرینک یرینی طوتدی .

اشته ۱۱۵۳ قایتولاسیونندن فرانسزلرک استحصال ایلدکلی باشلوجه منافع

شونلر در .

ابن الضیا

— جبل لبنان حقیقه —

عثمانیلرک وجوده کتیردکلی ۱۰ تموز انقلاب مسعودینی متعاقباً عموم
افراد ملتک نظر و مشغولیتی مجلس مبعوثان عثمانیه کوندریله جک و حقوق
عثمانیه بی بلاتفریق جنس و مذهب مدافعه ایده جک مبعوثانک انتخاباتی مسئله
مهمه سنه انعطاف ایلمش ایدی. اوتوز اوج بیلدر بارکران استبداد آلتنده ایکلین
ملتک فاتحه ایام سرور و سعادتتی مجلس ملینک یوم کشادی تشکیل ایده جک
ایدی بالطبع استبدادک اک خبیث ، اک الیم صفحاتی کورمش ، اکلامش اولان